

■ 24 rumah penduduk Kampung Masjid Tinggi tenggelam

Oleh Shaiful Shahrin
Ahmad Pauzi
am@mediaprima.com.my
Bagan Serai

“Saya hanya mampu melihat kebanyakan perkakas rumah dan tilam terapung dibawa air selepas rumah ditenggelami banjir awal pagi semalam,” kata pemilik rumah, Hamsah Yam, 72, yang tinggal di Kampung Masjid Tinggi di sini.

Dalam kejadian jam 5 pagi itu, mangsa tersedar daripada tidur terkejut apabila banjir menenggelamkan rumahnya dalam lebih 0.5 meter.

Kejadian kali ketiga sejak Januari lalu menyebabkan 24 rumah penduduk lain di kampung itu tenggelam selain tujuh rumah penduduk di Kampung Teluk Peribu

Air penuh awal pagi



FAKTA
Kejadian banjir kilat kali ketiga sejak Januari lalu

ZAILI (kiri) bersama pegawai JPS Daerah Kerian meninjau keadaan rumah penduduk yang dinaiki air akibat banjir kilat.

mengalami nasib sama.

Hamsah berkata, dia tidak menyangka hujan lebat sejak jam 11 malam kelmarin me-

nyebabkan banjir berulang.

“Saya terkejut tengok tilam dan barangan rumah terapung sebaik bangun daripa-

da tidur pada jam 5 pagi.

“Mujurlah barangan elektrik dan beberapa barangan perabot tidak rosak. Jumlah

kerugian sukar dinyatakan,” katanya.

Menurutnya, banjir diper-

ngaliran air parit berdekatan yang perlahan disebabkan sempit.

“Kebiasaannya banjir sebegini memerlukan masa sekurang-kurangnya tiga hari untuk surut sepenuhnya.

“Justeru, saya berharap pihak berkuasa tempatan prihatin dengan nasib penduduk dengan segera menjalankan kerja penyelenggaraan membersihkan parit bagi melancarkan pengaliran air ke sungai,” katanya.

Ketua Kampung Masjid Tinggi Mohd Hamsan Aini berkata, kerja penyelenggaraan parit kampung itu biasanya dilakukan dua kali setahun dan pihaknya memohon supaya kerja penyelenggaraan ditambah kepada empat kali setahun.

Menurutnya, masalah banjir semakin kerap berlaku hingga menyusahkan penduduk.

Turut hadir melawat kejadian banjir, Ketua UMNO Bahagian Bagan Serai Datuk Zaili Cha; Pegawai Khas Ahli Parlimen Bagan Serai Mohd Fikri Radzuan yang mewakili Ahli Parlimen Bagan Serai Dr Noor Azmi Ghazali, Jurutera Jabatan Kerja Raya (JKR) dan Jabatan Pengairan dan Saliran (JPS) Kerian.